

河南開封縣志

舊名祥符縣

祥符縣志卷之十四

古蹟志

城 岳 岡 海 邱 門 宮 堂 館 衙

臺 樓 亭 池 園 苑 洞 峽 渚 泝

譚汴京佚事者每歎此邦勝蹟不可枚舉前志所
云禪通蝌蚪戰國龍蛇名王有應教之賓開府盛
陪軒之客五代金戈鐵馬壁壘猶存趙家煥館涼
臺煙花漸歇一起一伏代禪代興良不虛也顧嘗
考武功縣志以山川城郭古蹟宅墓併入地理武
億安陽縣志於地理志外仍錄古蹟三卷茲援安

陽志例述古蹟

城

倉皇城在縣北時和保世傳倉頡所築

舊志

東京開封府開封縣有倉頡師曠城城上有列仙

吹臺

太平寰宇記

梁王城在縣西北二里卽梁故城

舊志

秦伐魏魏徙都大梁在陳留浚儀西大梁城是

呂氏

春秋

河南道汴州魏地也魏初居河北惠王以安邑近

秦乃徙都焉今汴州大梁城是

初學記

唐高適詩古城蒼莽饒荆榛駐馬荒城愁殺人魏
王宮觀盡禾黍信陵賓客隨灰塵憶昨雄都舊朝
市軒車照耀歌鐘起軍容帶甲三十萬國步連營
五千里全盛須臾那可論高臺曲池無復存遺墟
但見狐狸蹟古地空餘草木根暮天搖落傷懷抱
撫劍悲歌對秋草俠客猶傳朱亥名行人尙識夷
門道白璧黃金萬戶侯寶刀駿馬填山邱年代淒
涼不可問往來唯見水東流

博浪城在縣城北三十里一名博浪沙亭卽張良令
力士擊秦始皇處一云在陽武縣東南三里

舊志

唐胡曾詩羸政鯨吞六合秋浚郊狙擊此荒邱山
東不是無公子何事張良獨報讐

小黃城在縣城東北

舊志

府志小黃城在府城北漢置縣屬陳留郡北齊廢
增纂

開封府陳留縣小黃城漢縣名屬陳留故城在今
縣東北三十三里亦曰小黃園又小黃縣在縣西
南四十里唐武德四年大使任環於此置縣以小
黃爲名貞觀中省入陳留浚儀二縣

太平寰宇記

小黃古城漢高帝招魂葬昭靈夫人處曰小黃園

因置縣

秦蜀驛程記

新里城在縣城西南

舊志

府志新里城在府城西南隋置縣後省入陳留

增

新里縣故城在開封縣東三十里隋高帝開皇十六年分浚儀縣置因新里爲名煬帝大業二年廢唐武德四年復置貞觀元年又廢又開封府浚儀縣云漢武德元年廢新里城而立浚儀屬陳留郡

宋太平

寰宇記

汴故城肇建于唐宋藝祖擴大之其址曲而宛如蚓蟠詘耆老相傳趙中令鳩工奏圖初取方直四面

皆有門坊市經緯其間井井繩列藝祖覽而怒取
筆塗之命以幅紙作大圈紆曲縱斜旁注云依此
修築故城卽當時遺跡熙甯時神宗屢欲改作卒
不敢更第增陴而已政和間蔡京擅國亟奏廣其
規以便宮室苑囿之奉命宮侍董其役周環數十
里一撤而方之如矩墉堞樓櫓雖甚藻飾而蕩然
無復曩時堅樸之規靖康末北馬南牧粘罕幹離
不揚鞭城下有德色曰是易攻耳下令植砲四隅
隨方擊之城旣引直一砲所擊一壁皆潰藝祖沉

幾遠睹至是始驗

岳珂
程史

東京舊城周迴二十里一百五十五步

卽汴州城

唐建

中初節度使李勉築皇朝曰闕城裏城南三門

朱雀

保康

東二門

麗景

西二門

宜秋

北三門

景龍安

大

崇明

東二門

望春

西二門

閶闔

北三門

遠天波

大

內據闕城西北宮城周回五里新城周回四十八

里二百二十三步周世宗廣而新之顯德二年四

月展外城皇朝曰國城外城南五門

南薰普濟宣化廣利安上

東五門

上善通津朝陽含輝善利

西六門

順天大通開遠宣澤金耀咸豐

北五

門

通天景陽永泰安肅永順

建隆三年正月甲戌發浚儀民數

千廣皇城東北隅五月命有司按西京宮殿圖修

宮城

韓重贊董役

四年五月十四日詔李懷義護役十二

四日明德門成
命陶穀撰碑

乾德三年四月十三日導五丈河

通皇城爲池四年二月七日帝親視皇城版築之

役六年

卽開寶元年

正月甲午發近甸丁夫增修京城

興國四年九月戊子改京城門名至道元年十一

月丁卯

二十日

詔張洎改撰京城內外坊名八十餘

分定布列始有雍洛之制祥符元年正月丙子

十四

日修東京外城九年七月丁未增築新城天禧二

年三月畢工天聖元年正月辛卯發卒增集京城

熙甯八年九月癸酉重修都城元豐元年十月丁

未告畢詔知制誥李清臣記之曰以三歲之績易

數百年因循之陋崇墉屹然周五十里一百六十
五步積廈之基五丈九尺高度之四丈而埤堦七
尺堅若埏埴直若引繩惟我京城氣象宏偉平廣
四達岡阜繚轉隱磷地中若龍盤虎伏睨而四據
濁河限其北漕渠貫其內氣得中和土號沃衍霏
煙屯雲映帶門闕望之者知其爲天子之宅周世
宗廣而新之逮此百二十有五年聖主營於無爲
圖於弗用取羨卒共其力兵不踰一萬分部者六
板幹遞遷畚鍤貫序創機輪以輦土爲鐵疏以固
溝塹於丙方環於四浹度功五百八十九萬有奇

所省者十之三其作怡然其成裕然人不及計士
不及議而城以全新奏矣又以材易八門崇端顯
嚴遂與城稱其外趾跨隍百一十有五步聖授其
算士薦其能二年進記紹聖元年九月六日刻石
於南薰門蔡卞書篆元祐三年十月庚子命將作
監丞李士京修京城

玉海增

汴城唐以前無考可考者唐德宗二年節度使李
勉創建無里數周世宗顯德三年增築東京開封
府外城周四十八里二百步零宋太祖建隆三年
廣皇城東北隅真宗仁宗重修神宗更增修外城

徽宗政和六年改修京畿外城周迴五十里一百六十五步明洪武元年重修河南省開封府城周圍二十里二百九十步門五東曰麗景一曰宋門南曰南薰西曰大梁北曰安遠東北曰仁和一曰曹門

國朝屢修循其舊制

元王惲詩大梁城外草萋萋八月行人散馬蹄汴水波濤流未穩宋宮花草徑還迷千年廢井銀牀冷百尺層臺石獸低試問夷門何處是秋風殘日

鷓鴣啼

舊志

康王城在縣城北宋高宗爲康王時築明李夢陽言
賦夢陽送何舍人詩朝逢康王城暮送大梁口相
對無一言含悽各分手

增

華亭徐爾鎔詩舊邸空南渡移宮向北轅人猶哀
二帝天已厭中原古堞蒿萊沒荒林烏雀喧經行

聊駐馬潁水暮潺湲

增

青城在縣城南門外宋之齋宮城殿皆以青布爲之
政和間始易以甌故名

舊志

熙寧元年十一月丙戌朝饗太廟遂齋於郊宮廢

青城後苑

見宋史

靖康元年閏十一月乙未金人入青城辛酉帝如
青城十二月壬戌朔帝在青城癸亥帝至自青城
二年春正月庚子金人索金銀急何鼎李若水勸
帝親至軍中從之以太子監國而行二月辛酉朔
帝在青城金人要上皇如青城辛未金人偪上皇
召皇后皇太子入青城三月辛卯朔帝在青城

宋史

青城有二一在南薰門外宋祭天齋宮也謂之南青

城封邱門外又有北青城宋祭地齋宮也靖康末
金人復圍汴斡離不自真定趣汴至城下屯於城
東劉家寺粘沒喝自河陽趣汴屯於青城而金人

入青城攻朝陽門又紹定六年蒙古速不臺攻汴
至青城金叛將崔立以汴京降盡送后妃諸王於
青城皆南青城也

方輿紀要

高陽城

浚儀有高陽故城顓頊高陽氏佐少昊有功封於

此

太平御覽

倉垣城在縣東北二十里水經注云濟水東經倉垣

城輿地志云倉城垣南臨汴水西北有倉頡墳城

有列仙臺

太平寰宇記

汴水東經倉垣城南卽浚儀縣之倉垣亭也城臨

汲水陳留相畢邈治此征東將軍荀晞之西也邈走歸京晞使司馬東萊王讚代據倉垣斷留邈漕

水經

注

釐城

濟水東南經釐城東春秋經書公會鄭伯於時來左傳所謂釐也江永春秋地理考實經公會鄭伯於時來傳公會鄭伯於邾杜注時來邾也巢纂在今開封府東四十里

水經注

棘城在縣境內今廢

增

棘城在開封縣西南三十里左傳云晉荀吳涉自

棘津

太平寰宇記增

赤城今廢

增

渠水東南經赤城北戴延之所謂西北有大梁亭

非也竹書紀年梁惠成王二十八年穰庇率師及

鄭孔夜戰於梁赫鄭師敗遁卽此城也

水經注

赤城在浚儀縣西南二十五里水經注云葦蕩渠

東南經赤城至浚儀

太平寰宇記

甘城在縣境內今廢

增

甘城卽秦太師甘公所居地

太平寰宇記

陳川城在縣東南二十四里